

Leev Tante Finchen,

vor zwei Jahr han isch Disch jeschreeve, dat dat Freizeitheim de halve Ziet leer herümsteht, aver dat is schon lang nimmer de Fall. Da dat renoviere von de Kirch so lang duert, weed dat Heim als Notkirch jenutzt. Un ab und zu sind och angere Veräne drin, wie zuletzt da han de Schütze ihr Stiftungsfest jefiert un ob Du et glöbst oder nit, da hät doch jlatt de Schützenchef minne Breef an Disch öffentlich verleese. Isch hoff dä hätt Disch jefrogt, ob de dat och darf. Aver wenn isch misch dat ankick, wie dat mit de Renovierung von de Kirch füranjeht, in de Ziet hät en jroß Tiehl von de alde Hasseler Hüser op de Hasselsstroß en neu Jesicht jekrischt.

Wenn isch von de Kirch de Hasselsstroß eronger zum Denkmal jon, fällt misch als eschtes et Hus vom »Tüllmanns, Adolf« uf, mit demm verschnörkelte Jesicht. Jon isch wigger eronger, sinn isch dat se am »Teuwens Muss« sin Hus am brassele sin un schräj jejenöver hät dat Hus vom »Mindergahn« neue Färv jekrischt. Och dat Hus von de »Neuperts Metzgerei« is in neuen Jlanz erstrahlt. En paar Meter wigger hät sich de »Süße Eck« widder als Blickfang von dem alde Hassels entpuppt. Dat alde »Fleischhauser Hus«, dat hütt dem Schaefer's Mia jehöt, kennste ebenfalls nimmer widder. Tante Finchen, wenn isch sinn, wat sich allein op de Hasselsstroß jedonn hät, verstonn isch nit wieso die Kirch immer noch nit fädig is.

In Schutt und Asche han se de Süllenstroß versengt. Jetzt kütt do, nach ewich langer Planung en Durchfahrt över de Spangerstroß zum Riesholzer Bahnhof hin. Wenn dat fädig is, künne de Schütze die Stroß bei ihrem Schütze fest mit mie benutze un de platz weed widder kleener. Vor allem für die Kinger ist dat dann en Jefahr, wenn die Stroß während demm Fest nit für de Verkehr jespärtt weed.

Wenn isch so överläsch wie die Stroße zukünftig um Hassels verlofe, dann frag isch misch wat hand die im Rothus für. Die Hasselsstroß, wo du, wäjen de viele Verkehr, von de een uf die angere Sick disch nur noch im Sprintertempo bewäje kannst, weed dann von demm Durchjungsverkehr entlastet. So hätt et in Benroth mit de Hauptstroß och anjefange un am End is darus en Eenkaufs- und Fußjängerparadies entstande. Isch bin ens jespannt ob de Amtsschimmel in die Richtung wiehert.

Ne angere Schimmel, oder soll isch besser sajen »Taube« hät schon zuleschlagen. Die Bosse von de jähle Seiten hand beschlossen für die Hasseler un Riesholzer de Post ins Niemansland, in de Näh von de alde Brück, anzusiedele. Vor allem die äldere Lütt dürfe dann en halve Weltries anträge um sich de Rent abhohle zu künne.

So leev Tante Finchen, et hät geklingelt, dat weed de Pitter sin, de kütt misch abhole zum Bürgerkönigsvojscheeße un isch bin ens jespannt ob da widder sovill Lütt wie im verjängene Jahr hinkumme.

Et größt Disch Ding

Hänschen